

四庫全書

集部

欽定四庫全書

集部

閩中十子詩卷

二十五至
三十

詳校官中書臣瞿照

助教臣常循覆勘

總校官進士臣朱鈞

校對官中書臣吳紹昱

謄錄監生臣邱卿雲

欽定四庫全書

閩中十子詩卷二十五

明 袁表

馬燮 編

王檢討集四

五言律詩

隴頭水

隴底望秦關
蕭蕭隴水寒
照人猶帶恨
飲馬不成湍
落日邊城合
秋風鐵騎殘
誰磨三尺劍
直為斬樓蘭

楊柳枝

春光曉漸饒楊柳暗宮橋嫩葉疑愁黛織衣倦舞腰祇
應悲戍遠那解綰蘭橈更待花如霰紅顏為爾凋

梅花落

青樓嘆落梅獨起自徘徊帶雪粘歌扇因風上鏡臺晚
妝誰更點邊角正堪哀望斷尋香徑依依滿綠苔

小垂手

秦女騁妖嬈春風步翠翹只疑花作臉更訝柳為腰燭

暗花鈿墮風輕羅帶飄自矜纖弱態不羨掌中嬌

巫山高

巫山不可望望極使人悲樹暗啼猿峽雲空神女祠秋
聲留別恨夜月悵佳期欲問高唐事惟應宋玉知

晚歸湖上

一徑愜幽尋悠然世外心不緣流水泛那識落花深潭
影澄天鏡松聲韻素琴前林烟磬發歸晚月沈沈

山寺尋僧

尋山憶慧能問偈遇真僧竹覆山門雪花藏古殿燈千
家供法食一衲絳疎藤不是遺經呪多因悟上乘

尋鄭道士坐清暉閣

吟秋入翠微高閣坐清暉鴻寶傳真訣清齋話息機
雲生野屐山雨拂塵衣自是支離久依方早有歸

憶陳昇

京國一為別橋門十載春齋鹽朝共飯風雨夜連茵玉
樹誰先折泉臺竟不晨空將知己淚西望灑風塵

送夏廷簡宿怡山蘭若

別路繞珠林，秋來落葉深。
一燈今夜雨，千里故人心。
已覺空門幻，還驚旅況侵。
坐聞鐘鼓曙，離思轉沈沈。

陸氏山池

淡淡牽銀藻，娟娟種玉蓮。
誰開照膽鏡，中有洗心泉。
萍散山流影，雲收月墮天。
願隨鷗鷺侶，薄暮宿寒烟。

送黃尊師歸華山

我送金華子，西歸玉女峯。
瑤笙飛一鶴，寶劍佩雙龍。

問丹砂訣天清碧澗鍾遙知騎白鹿韓衆定相逢

送人以故將召用

秋風大道傍立馬盡餘觴興逐孤雲遠情隨去路長
廉頗思趙士漢主憶馮唐莫奏桓伊笛蕭條兩鬢霜

楊秀才幽居

楊子幽居處開窻面遠空水喧明鏡裏雲落畫屏中
捲幔留山月揮絃送晚鴻何人問奇字載酒野橋東

詠西施

浣紗白石上本住越溪濱一入吳王苑遂為傾國人春
華嬌艷質秋水助精神寄謝東隣女雙蛾莫效顰

朝退懷南湖草堂寄舍弟及舊社諸游好

朝回獨掩扉高卧息塵機春色如憐客飛花故點衣鴈
行驚別久鶴病憶羣稀何日南湖上春雲滿棹歸

題金道士丹室

石洞掃烟霞仙壇覆落花人間尋鶴侶天上駐鸞車瑤
圃桃成實金盤棗似瓜待余休物累從爾問丹砂

和王舜舉春日襄陽之作因送之歸

漢水千年綠襄陽二月時人歌大堤曲春到習家池且
縱山公醉寧同叔子悲葛強今已老歸馬莫教遲

賦得邊城雪送行人胡敬使靈武

萬里燉煌道三春雪未晴送君走馬去遙似踏花行度
磧迷沙遠臨關訝月明故鄉飛鴈絕相送若為情

賦得驄馬送黃采巡按北京兼寄蕭福王選二

牙史

錦勒玉花驄長鳴向北風已看千里去坐覺萬羣空
玉燕山遠鳴鑿澗水通使君同攬轡早晚奏奇功

送李校尉致仕還江左

雄劍委龍鳴關河白髮生功成百戰後老去一身輕
夜月桓伊笛秋風驟騎營燕歌何處寫曲罷有餘情

送趙友同還華亭時水泛三吳

積水眇無際送君江上還九峯何處所迢遞白雲間
舊葉芰荷在秋風鷗鷺閒定知三泖月相見一開顏

送人之毘陵

興盡一杯酒相看欲別時
孤帆乘吹發一鴈度江遲
千古蘭陵令秋風季子祠
勝遊多感慨為爾寄遐思

書懷寄友人還建安

游乏金張援官無子孟賚
庖人羞獨割尸祝謾相知
此夜金陵月明朝瓊樹枝
武夷山水郡相憶在題詩

送友游吳適越

斗酒興不淺南游幾日迴
擔囊無俗物訪古及吳臺
腰

下延陵劍手中張翰杯若逢梅福問相與上天台

贈妓

竹枝歌送君錦瑟不堪聞欲識芳心恨愁將寶帶分碧
峯留黛帶秋水學湘裙明日陽臺上空瞻一片雲

賦得花影

欲拂更紛紛空杳寂不聞亂迷芳蝶夢輕護錦苔紋襯
月籠書幌因風颺舞裙莫移庭下步蹴碎一階雲

岳州送同官王洪中書舍人吳均入蜀

五月不可觸三巴未易行共因嚴使命同此念王程月
下猿聲斷雲中鳥道橫明朝相憶處夢繞錦宮城

嚴州江上

短棹蕩江春春風物候新岸花飛送酒沙鳥近窺人碧
樹籠青嶂芳洲點綠蘋因悲城市裏日日醉紅塵

其二

嚴子投竿處春來載酒過潮聲通越近山色入吳多沙
際舟如月雲邊鳥似歌客程隨去住那許嘆風波

西山訪李徵士夜歸

山翠雲邊墮溪聲竹外虛
尋秋窮謝屐隔水訪陶居
隣
媪供新醞家童翦夜蔬
醉歸蘿萼底殘月在襟裾

舟中望九華

雲錦積岫堯屏風倚碧霄
猿聲聽不盡山翠望還消
俗
駕何由稅仙人不可招
夜深理孤棹乘月逐歸潮

送孫處士歸四明

聞說四明路迢迢
隔剡溪天連滄海濶
樹擁白雲低山

憶謝公詠人宜賀監
栖送君從此去
欲使宦情迷

送沙子進赴祿州別駕

客舍酒初香
都門柳色黃
一官仍別駕
萬里赴炎荒
江路猿聲早
山城榕葉涼
遠人勞撫字
且勿厭殊方

送人令南海

二月都門柳
那堪綰別離
雙鳧舞日下
匹馬到天涯
蜃氣滄溟夕
山郵瘴雨時
惟應南海月
千里照相思

武昌晨望

不飲武昌水馬知吳楚風山川霸氣盡今古壯心雄
帆去三湘遠天連七澤空登臨何所恨江漢正流東

送周暹之兗州

何處征驂發都門白下亭浮雲望東魯大火值南星別
酒不成醉離歌且暫停臨歧何以贈含笑解青萍

宋將軍家出妓

歌管沸中天香風滿四筵門邀珠履客坐列玉堂仙良
夜金波裏佳人錦瑟前為君回舞袖半笑落花鈿

其二

二八嬋娟子新蛾拂兩眉主人投轄處座客斷纓時舞
動黃金縷歌成白雪詞玉山從此倒花月更相宜

五羊城遇張順論舊有懷

匹馬走炎荒逢君鬢已蒼邑人傳左語官樹隱殊鄉感
舊看長劍緘情憶縹囊明朝愁又別天海共茫茫

邕州

五管推名郡雙江接上游人家蠻洞曉山雨瘴烟浮遠

客誰青眼殊方易白頭
夜來南極上分野望牽牛

舟中懷彭詡

遠漢落星稀疎林驛火微
已知去國遠況與故人違
旅夢驚殘葉涼聲到客衣
何時聯畫舫同望楚雲歸

從軍樂軍中錄示諸將

為問從軍樂東南早罷兵
尚資磐石計同醉伏波營
寶玦千金換珠袍五采成
却慙揚子宅終歲一書生

其二

秋原草色殘千騎擁雕鞍共道從軍樂誰歌行路難
凋戈揮日落玉劍決雲寒準擬功成日同歸謁禁鑿

聞總戎破敵有作

功成指顧間一劍定諸蠻後騎方踰甸前軍已斬關
兗徒應破膽黎庶漸開顏麟閣專相待征旗及早還

五言排律

夏日同呂尺部宴臺山閣書贈邑令沈丙

林吹逸橫塘山亭挹衆芳琴尊延勝引環珮集仙郎
高

詠揮麾塵飛泉激羽觴葛薰衣入麝玉冷簟浮湘鳳想
辭丹液鸞絨貯縹囊羣峯屏遍列一水鏡牽長寶瑟頻
調柱清歌迴繞梁澗花開作對山鳥下成行已判徵仙
事還疑倒醉鄉染塵慚汨沒畢景恣徜徉桂域流初魄
松樞促晚涼幽期殊未已書此報河陽

蔣山法會瑞應詩應制作

寶地捧金仙璇宮起梵筵真僧騰異域開士唱三緣說
法雲成蓋談經花雨天祥光凝彩絢甘露瀉珠圓天樂

憑虛下神燈徹夜懸勝因濟妙筏覺路指迷川祇樹春
光溢靈山會儼然願茲弘至化皇運共千年

送人戍邊

玉勒浮雲馳雕韃明月弓日邊辭帝輦天際逐沙蓬百
戰兵符動三門將畧雄戈矛明積雪旆旆疊高風朔漠
窮陰外幽關落照中壯懷何以贈劍氣欲吹虹

題天台梁氏聚青山房

絕巘隣滄島中峰接上台林間別阜出窻外聚青來選

勝宜招隱栖幽異，鑿坯白雲華頂鶴。瀑布石屏雷羽客，
停鸞吹仙人共酒杯。烟霞林鹿伴冠蓋，嶺猿猜自笑羈。
塵網何由避俗媒，憑題紫芝曲寄謝赤城隈。

呈陳司馬

大將分雄閩名卿出上台，五戎資廟略萬里掃炎埃。鐵
騎如雲集樓舡，際曉開月將弓影滿。霜逐劍鋒摧寵賚，
當陽節人憐定遠材。指麾停羽筴談笑許龍媒，銅柱功
寧羨金臺志不回。豈伊專鉞斧更爾賴鹽梅，自笑疲鴛

甚聊因附驥來未攜孫楚策屢接禰衡杯汲引寧忘自
吹噓幸見陪酬思看玉劍千里動風雷

游海珠寺示同遊文憲使周僉憲

絕島波心見棲身玉鏡中欲觀鼇背日還仗鷁樓風容
思員壺外雲程若木東蜃光晴作霧海氣晝成虹僧刺
蛟龍護神珠水月通同遊多逸侶歸棹擬乘空

閩中十子詩卷二十五

欽定四庫全書

閩中十子詩卷二十六

明 袁表

馬燾 編

王檢討集五

七言律詩

登無諸釣龍臺懷古

高臺遠枕大江流
江上雲屏宿靄收
才子揮毫春作賦
商人酌酒晚移舟
空潭龍去山河改
古殿雲寒劍戟愁

莫向此中多感慨漢家陵樹已先秋

留別梅溪諸友

涼風才動芰荷衣却憶青山賦獨歸
近別慈親溫省曠乍拋酒伴醉吟稀
天邊鴻鴈秋雲薄水面蒹葭夕鳥飛
後夜與君相憶處蕭蕭羅月掩荆扉

新築草堂成有述

買得幽溪絕世塵林間車馬到無因
茅廬新就堪招隱松菊移來散及隣
薄暝鳥歸臨水樹傍崖鹿趁採芝人

廟堂豈敢干時用，但幸雲泉了此身。

草堂與山僧夜坐喜自牧馬大見過

移居深入水南村，五柳新栽正對門。
傍岸春流沿翠篠，亂藤棲鳥近黃昏。
林頭折簡山人致，燈下名香野衲焚。
童子夜深知客至，隔隣呼取醉芳尊。

春暮同周玄郊行宿烟霞道院時約黃生同奕
累月看花奈醉吟，不知春樹變鳴禽。
偶隨芳草同閒屐，靜拂孤雲響素琴。
塵世關情人事少，松壇期宿夜燈深。

明朝入洞觀碁去未許樵夫得見尋

晚至鶴林寺

問訊山人指白雲
數聲烟磬隔溪聞
竹房燈靜知僧梵
松院苔深見鶴羣
聽法夜深山寂寂
懶吟衣上月紛紛
曉鐘又逐塵烟散
此地心期孰與論

山中送陳生歸海上

洞口花飛春欲闌
玉缸攜酒送君還
三年厭見天涯月
千里歸尋海上山
壯志功名看髮變
浮雲世事與心閒

要知別後相思意萬壑松濤懶閉關

登宿雲臺

一逕緣蘿到上方宿雲臺閣樹蒼蒼憑虛目送秋霞遠
向夕憲涵海雨涼童子見人能下拜老僧出定自焚香
近來性癖耽禪悅長向空門禮法王

寄張員外

新年柳色滿都城仙掖朝回聽早鶯日隱層堦殘雪在
香傳別殿曉寒輕瑤池阿母憐方朔漢室公卿羨賈生

獨笑長卿淹病久茂陵高卧有餘情

登古囊山辟友巖和瓢所居士之作因寄黃八

粲

何處秋吟覓遠公蒼苔古道石林東月生雙樹間虛籟
香繞諸天見化宮萬法已超言說外此身多在別離中
明朝更寫三生偈去約忘機海上翁

中秋與劉大會溫陵因寄舍弟

相逢斗酒粵江濱客裏襟期有故人天上幾迴今夜月

此生空笑百年身且須縱醉清尊倒謾說憂時白髮新
却憶鴈行同賞處故山回首一沾巾

溫陵送劉大還三山

江流幔曙入河低一尺魚箋醉懶題古道菊花秋草裏
敗林莎井露螢啼空山寒影凋芳樹遠澗泉聲下碧溪
客路相逢方絕倒馬蹄何事又東西

秋日與胡泉州會小山叢竹亭分韻得飛字

秋風江上早鴻飛桂樹團團影漸稀此日尊前須盡醉

古來林下幾人歸，青衫烏帽情何戀。
翠竹黃花願不違，更愛山亭車馬散。
照人羅月自依依。

客清源贈董別駕

清時不逐登壇貴，瘴海聊因作郡過。
細柳營中辭虎竹，刺桐花底聽絃歌。
雙旌暇日朋簪盍，別駕行春雨露多。
自是清源山水勝，日勤車馬訪烟蘿。

山中招黃博士不至因再約以寄之

秋風吹落桂花殘，寂寞淮南賦小山。
自笑草堂魚佩冷。

空將瑤水鶴書還石門蘿月誰同醉洞口松枝祇獨攀
明日角巾能到否呼兒竹下掃柴關

春日對酒酬鄭公啓

與君相見即相歡
沉值芳春感二難
尊酒且邀花底醉
流年不用鏡中看
江頭草色侵衣袂
雨後鶯聲滿石欄
世事悠悠祇如此
出門何處可彈冠

登九仙山懷林頴因寄

雪後空江一棹過
新年草色送離歌
心知別後登臨少

福地重來感慨多
谷口飛花看薄暝
洞門啼鳥掩垂蘿
知君亦有東山屐
歸去雲林近若何

崇川寄懋功張秀才

百尺灘頭一訪君
碧山秋靄正紛紛
故人已嘆晨星少
此會翻成落葉分
遠樹孤城江上閉
晴空疏鴈醉中聞
也知西去寧親日
還有相思寄斷雲

與夏少府迪話別登薛老峯

新秋客裏喜相逢
絕頂登臨興不窮
遠渚綠波孤鳥外

亂山黃葉白雲中
明朝霄漢應誰共
別墅琴尊此會同
去後重來相憶處
短筇吟倚候歸鴻

同自牧瓢所宿張氏南樓

鳥下平蕪夕靄收
偶攜江客宿層樓
月明清夜聞鴻鴈
窻近天河絳斗牛
幾杵鐘聲雲外杳
千家樹色暝中浮
醉來枕藉秋香薄
疑借仙槎覓遠遊

過舊游有感

濕雲如醉護輕塵
黃蝶東風滿四隣
新綠只疑銷晚黛

落紅猶記掩歌唇，舞樓春去空殘。日月榭香飄不見人。
欲覓梨雲仙夢遠，坐臨芳沼獨傷神。

秋日懷林源前輩

載酒行吟野寺秋，青山去後與誰遊。懷人獨卧雲中島，
感興頻登江上樓。黃菊久拚陶令醉，白頭空抱仲宣愁。
夜來明月還相照，好寄心期到劍州。

寄自牧時客林生別館

芙蓉秋水漫漁磯，白石蒼苔靜掩扉。南國懷人成久別，

茂陵多病有誰依
花飛別澗空流水
客去高齋對落暉
料得只應賢地主
相看未訝故人稀

挽石泉藍公前元閩省知事

曾將孤憤負當時
老判南荒衆豈知
王氣已隨陵谷改
劍歌空對海天悲
秋風白髮驚殘夢
落日窮泉有所思
欲弔玄沙孤鶴遠
不堪惆悵淚如絲

送卓民逸還越中民逸以善書客翰林者三年

至是得請告歸

送君尊酒發都亭亭下春深柳色青別思漫縈風裏絮
浮生慣學水中萍客程蘭棹天邊遠舊業柴扉海上扃
若向山陰逢道士也應為寫換驚經

元夕午門侍宴

臘雪霏微柳外消天衢香靄逐人飄千門火樹攢珠斗
五夜笙歌下碧霄玉醴恩頒春色早金波影浸漏聲遙
侍臣湛露將何補願頌康哉答聖堯

早朝同周員外玄賦時有祀事

花擁千官刻漏傳蓬萊遙在五雲邊星移北斗當宸極
樂動南薰捧帝筵遲日漸晞仙掌露輕風猶裊御爐烟
明朝海上祠金馬紫鳳丹書下九天

送林叔亮教授四明

秦淮斷鴈不堪聞惆悵官亭一送君尊酒暫留吳市月
扁舟遙指越溪雲秋來幾處寒聲早海上千峯秀色分
帳下諸生相待久未應寂寞嘆離羣

送顯上人還閩中

半生蹤跡慕雲山結得真僧住世間夜宿孤燈隣妙梵
曉隨清磬度禪關心通萬法緣俱寂目泯空華意自閒
此日微官牽物累更堪江上送師還

寄鳴秋趙山人兼似幻居閒士

石橋低覆薜蘿陰澗戶虛窻憶醉吟書寄遠公林下偈
調高中散竹邊琴藥攔春去啼禽換茶竈秋來落葉深
別後此情何所似題封一寄故人心

送龍河傑首座自五臺歸將赴天台

偶逐孤雲下五臺又攜明月上天台
衣傳異域曾留偈
楓落長江見渡杯
上界經行人世別
天宮說法夢中迴
明朝相憶霞城遠
空仰金繩覺路開

過晚城謁余忠宣祠

寂寞孤城野水濱
亂餘猶見幾家存
女牆落日埋秋草
官樹啼烏集暮雲
百戰徒聞存國步
孤忠誰復弔英魂
夜來遺廟空庭月
長遂悲笳不忍聞

寄郭麾使希武

卷二十六
青年建節似君稀，千騎轅門擁鐵衣。
萬里獨留孤劍在，三苗已見遠人歸。
西風暫及黃花醉，遠檄時將白羽揮。
却笑叅軍淹病久，未諧清論寸心違。

五言絕句

楚調曲

君行巫陽道，妾住渚宮湄。
莫戀荆臺樂，輕拋桃李時。

紈扇詞

皎潔渾無染，團圓孰與裁。
秋風原不妬，四序自相催。

飲牛潭

洗耳在潭下飲牛在潭上白鷺飛復來烟中立相向

送人隱松溪

送爾松溪上猿聲樹樹聞夜涼弄溪月衣上拂松雲

秋江漁唱

漁舟晚唱來聲在秋江水月明曲未終前汀鷺飛起

荷露

翠盤捧明珠蕩漾圓復碎夜來明月中留得鮫人淚

題美人撲蝶圖

為惜韶華去春深出繡緯撲將花底蝶祇為妬雙飛

從劉禮部折菊花歸

三徑猶未歸東籬露華冷折得一枝來蕭蕭怨秋影

望君山

風來洞庭白雨歇君山青巴陵明月夜瑤瑟怨湘靈

七言絕句

懷仙寄上清何尊師

崇臺高映太羅顛
三素流雲繞碧天
王母不來春又暮
洞門閒却古苔編

其二

雲母屏風月影孤
碧雲琪樹兩三株
道童慣識鈞天舞
偷向堦前教鶴雛

閨思

冷落殘箏十指疎
良人遠戍近何如
樓頭數盡南飛鴈
不見遼陽一字書

秋山吟望

一徑吟秋到石壇
烟蘿遠映碧峯寒
松邊獨鶴歸來晚
贏得閒雲片片看

題畫美人

八駿瑤池去不迴
蛾眉蕭颯鏡中衰
至今楚水荒臺上
化作行雲夢裏來

題張友謙倭扇山水

萬里空濛海上山
仙人樓閣有誰攀
只緣博望星河棹

移得蓬萊到世間

題米老山水

海岳庵前覓舊蹤
蒼茫雲樹米南宮
別來幾片青山影
都付寒鷗一蕩風

題趙仲穆小景

踈烟淡月大堤傍
遠樹連牆接水鄉
子夜吳歌鶯宿鷺
風流宛似趙家莊

題畫鶴鷄

原草飄殘作雪絲日斜馬上關歸時五陵別後傷心事
零落涼州笛裏吹

王奉祠宅餞其伯氏之蜀縣令

我家仙令來何處又見雙鳧日下歸明發謝庭看玉樹
可憐片月憶光輝

其二

都門飲散動行旌千里看花到錦城好借三巴江上水
與君流作玉琴聲

夜泊潯陽江驛

度盡名山問楚湘
扁舟此夜泊潯陽
琵琶聲斷知何處
江水江烟自渺茫

雨中過洞庭

昨夜南風起洞庭
曉來湖上雨溟溟
忽看天際驚濤白
失却君山一點青

重登岳陽樓望君山

南湖烟水接天流
天際青螺掌上浮
欲弔湘君何處是

不堪重倚岳陽樓

常山道中即事

前山月曉樹蒼蒼
野蕨初抽綠笋長
一路春風如有約
馬頭吹送落花香

宿鄂渚

欄衡洲古白雲低
庾亮樓空綠樹齊
惟見晚空漁艇火
隨風遠過漢陽西

黃陵廟

芳洲烟草碧萋萋古廟雲深落日低
剝盡殘碑無可問
春山惟有鷓鴣啼

登月江樓

仙人槎
浦也

朝來一上月江樓江雨長涵瘴水流
望斷釣槎人已遠
青山點點是邕州

左江錄似友人

左江江水日潺湲鳥語莎裳住百蠻
莫道天涯應在此
交州更隔萬重山

病中懷故山

遠向清溪掩石門
碧蘿烟帳鶴成羣
一從誤作遊仙夢
誰管秋山幾片雲

其二

裊裊春陰石徑斜
野人迎住近烟霞
別來門外滄浪月
開遍青松幾度花

九日有懷

故園松菊應無恙
上國新醪也自佳
兩地思歸俱未得

一身長笑在天涯

晚眺鬱孤臺

百尺高臺怯暮寒
虎頭城枕碧雲端
縈迴二水蒼龍合
流下泉溪十八灘

交州即事二首

一騎衝嚴到市橋
夕陽烟樹草蕭蕭
居人猶指高駢塔
碧瓦朱甍尚未凋

莫道平居是百蠻
烟花江月也同攀
一從烽火連天後

縱有神珠去不還

交州病中錄似諸友時軍中絕餉以手帖干主

帥索糧

問病尋方事總虛謾勞車馬慰躊躇三年玉署蘭臺筆
學寫顏公乞米書

江上見醑釀分得人字

向來同醉帝城春馬首東風落絳茵玉架錦屏消息斷
只今誰是冶遊人

又

問中十子詩

十六

閩中十子詩卷二十六

附錄

自述誄

王偁字孟揚其先東阿人宋寶元康定用兵西方士有
沒於元昊者王氏遂為西方人元有天下其地最後附賜
姓唐兀氏高祖王父某從下江淮授武德將軍總管鎮
廬州曾祖王父某祖王父某相繼襲爵改上千戶沒俱
葬大蜀山下先府君某當搶攘以材用薦者調民職廬
州路治中歷江西福建行省郎中至階朝列大夫潮州

路總管當時稱廉吏第一人所莅政績卓異字惠小民
攘剔豪右禮賢士植綱紀民奉以祠元運改王度時不
可為浮海去之道閩中父老遮留退居永福山中為黃
冠服者十年朝廷聘之恥為二世臣遂自引決嗚呼是
時偁生方六齡家毅然壁立太夫人守節自誓艱阻備
嘗手疏先君之蹟與古今豪傑大畧教之外王父姓劉
氏諱某由宣文閣博士出僉閩憲再召入為秘書丞沒
王事贈嘉議大夫福建行省參知政事其淹貫靡不究

博古好雅翰墨之妙絕當世儼不及見之聞先正聞過
齋吳公學行醇偉為士林望與先君交誼相與也先君
沒時屬儼夫子教之第未弱冠夫子沒偃偃罔依歸賴
外王父遺圖書手澤多杜門自研澁少多病負第者三
年莫臻其至弱冠入庠序與陳君從範游陳蚤入聞過
夫子室獲其指授懇懇汰其瑕礫示以瑜瑾一旦如發
部矣洪武庚午賓興歲領薦方去海濱觀光上國會試
禮部不利例入國子處縉雲朱先生館下日求齊魯士

與談訪其遺風及四方之賢者而私淑之上表陳情乞
終養高皇帝憫之南歸越震澤徘徊吳會間不敢留趨
侍湯藥膝下始冀收其實而從範已物故闕父老亦凋
剝殆盡四睇毗落無可與語晚得晉昌林誌相與論學
假以模範抗顏為多暇則窮幽極深徜徉物表趣豁如
也未幾太夫人捐館舍嗚呼居喪不敢渝禮既合先君
塋廬墓下者六年永樂初元以推轂者至京師待命黃
閣因自陳願處學校勵人材不允授從事郎史官翰林

檢討進講經筵以文字供職時錢塘王洪擅詞垣與同
官一見過相推重勅修大典萃內外儒臣及四方韋布
士母慮數千人濫竽總裁之列大將軍英公覆征交趾
辟居幕下於是泛洞庭浮沅湘歷九疑弔蒼梧徵兵南
海既而窮象桂道五管觀師於日南九真之交時有贊
勳大將軍待以為揖客歸仍守其舊官先娶鄭氏新安
人前名御史潛之孫女先卒再娶薛氏閩故族孝養於
姑貞淑內得其亮生男一人振女子某一人其次男拱

女子某一人側室李氏出也此族系出處之概少銳志於有為毅乎思準古以馭今而用弗以施學雖服羣聖獵百家窮幽明亟於聞道而質淪恣杌遇登高弔古慨然發其悲壯愉樂一寓於文若詩而辭愧土苴其為人則似齷而容似傲而恭家貧而心樂身困而處裕然疾惡太過權貴不能俛首下之任情以直不能翫以徇人成功此其見短於世也見人善不啻若已有之雖匹夫問未嘗不竭以盡與人交內外莫敢攜貳此則自以為

長焉若夫悅以為終身之憾者斷失所怙哭吾父幾不能生粗知學而哭吾師如哭吾之父焉未幾哭吾友如哭吾之師比得祿而太夫人不逮養有子教之未立荷兩朝之恩而莫一舉報嗚呼況茲身繫縲絏西山東陵洧而未分孤臣之號庶女之慟南音之戚梁岍之章孰為發之日者以支幹推定人禍福生死謂吾年日皆庚迪於丙歲在闕逢麗於鶉火其勿延矣嗚呼其果然耶孟子曰桎梏死者非正命也晝夜之理吾曷念之因述

其系而極之以呼天之辭用自誅俾後之為烏鳶為螻
蟻在陽侯在回祿或返其遺骸或招其魂魄或藏其衣
冠庶令有考者憫其志而哀之焉辭曰

余槩觀夫古之人怙材者恒苦於弗施志大者惟顛
頭之屢躋嗚呼孟揚矧爾乏古之才而尚其志焉得
不奇於時而諉於戾爾負而君爾負而親嗚呼誰其
白之悠悠蒼天

閩中十子詩卷二十六

欽定四庫全書

閩中十子詩卷二十七

明 袁表

馬燮 編

王翰林集上

頌

平安南 有序

皇帝嗣大厯服為臣民主四海內外罔不臣妾號令昭
著政理和洽旋乾轉坤雲行雨施品物生成億兆雍穆

至化允若嘉瑞畢臻語九譯通萬里極舟車人力所至咸稽顙闕庭下請臣屬毋敢後昔安南陳日燿當太祖登極之始恭德化率先納貢贄詔循舊章俾王國世臣近賊臣黎季犛擅其政柄糾合黨類弑其君寇其國併其子姓無遺放兵內侵僭號改元無所忌畏陳有遺裔間道赴闕叩天籲告詔送之國又陽迓於朝陰殺諸塗罪惡滿盈神人共憤廷臣交章請討其罪乃永樂四年七月戊子朔詔以成國公臣能克征夷將軍率師八十萬

往討之癸卯乘輿送之江潯德音敦至戒以不殺十二
月我師渡富良江再擣其東西二都洞堡部落望風送
款安南悉平交人言陳氏之後無存者幸不鄙夷其民
從漢唐之制郡縣其地允之嗚呼有苗以逆命徂征獯
狁以內侵見伐古先聖王有不容已視季犛之罪摧髮
不足以數之豈安南風化將復於古蓋有以使之歟臣
叨忝史官躬覩盛烈職當紀載謹撰平安南頌一首以
獻其詞曰

維彼交趾古稱南荒嶺阻海截椎髻卉裳漢始內屬制
為都縣華夏相通治視畿甸厯吳以還千有餘年蠹剔
窳扶風化日宣曷唐之季乘我罅漏閉戶攘奪官不廷
授五代紛拏姑息因延彈丸黑子縱其播遷暨宋之興
迺修職貢王始郡稱俾總其衆庭實載入宋轍且南曰
郡曰國朝四蕃三國以王號迄於前元或臣或貳兵以
周旋於赫皇明大明麗天九道百蠻貢篚後先安南陳
氏實識真主首遣陪臣聽命偃僂高帝曰吁典章維舊

王守藩封以世厥後何物季犛逞其凶噐肆謀吞噬如
獍如梟延及無辜為國大慙戕之賊之慘無唯類陳有
遺裔間道出奔稽顙闕下叫號稱寃皇帝仁聖憫此遠
人詔歸厥主爾仍厥臣謾辭肆侮惡不知懼既劫彼君
復及我使廷臣交章請討厥罪非曰究武惟天明畏桓
桓虎臣受命于征士衆百萬如雷如霆天子之威睿筭
豫決鬼神莫違前徒倒戈渠魁曷脫如狐巢林如鼠穴
橐橐傾鼠竄林索狐殂罪不可宥悔不可圖弔民東都

整旅於西玄黃士女壺漿耄倪昔之交人席不沾背今
相戲嬉終日而醉昔之交人重足而立今相往來聯俎
而食皇帝之德一視同仁雖萬里外率臣率隣眷彼下
土郡縣惟昔政治有官教學有職非直食之實有教之
父母妻子實有樂之秩秩萬邦穰穰豐年四靈畢至嘉
瑞綿綿車書會同大開明堂恭已南面萬國來王萬國
來王天子神聖於萬斯年受天明命

五言古詩

中秋文闈讌集得蓬字

盛時屬文運俊人期登庸三載薦多士四方羅文雄
睽茲九秋半氣候何空濛嬋娟出東嶺浮雲歛層空
闈棘今夕會折桂此時同華堂入夜開展席來相從
流輝照尊俎微寒薄簾櫳栢臺共濟濟薇垣獨雍雍
主醉樂且多賓迴興未窮攬衣望霄漢烟烟明光宮
人坐辨天上鳥飛疑鏡中合并不盡歡佳期諒難逢
洗杯濯清沼移榻當高桐倒傾殊未已所思悟其終
徘徊一分手千里

入飛蓬飄飄望南陌別過東城鐘

古意

湘江江上樓有婦彈箜篌試絃一再彈遲遲聲且柔情
繁指轉急曲長心難收一曲未及終淚下如迸流憶昔
始學時晝夜為淹留擬將知音託百年叙綢繆誰謂知
音者如何事遠遊朱顏能幾度青陽倏五週遺譜不復
理疎絃已終投所思在天涯望望江上舟東風昨夜至
春光滿汀洲強整昔時歡徒增今日愁願因東風翔吹

落古交州夫婿馬上迴聞之應白頭

送按察使周志新之浙江

錢塘古雄藩川陸走四方第宅富而麗士庶材且良戎
衛夾郡縣簿書垂篋筐翼翼風紀重獨立振宏綱夫子
南海彥早登君子堂金石棘寺評冠冕栢臺行繡衣明
旭日玉節嚴秋霜儀表動朝著丹鳳鳴高岡滇池萬里
道攬轡夷獠鄉坐見歲月間化絃日以張再莅東南政
才高行彌臧致遠識騏驥蟠根別干將鬱鬱吳山秀湯

湯秀水長令聞與之俱千載期不忘

湖南田舍為上虞沈庭珪題二首

藹藹湖上山迢迢湖上路田家大湖濱三五亦成聚朝
耕湖上田暮喚湖上渡稚子遠相迎牛背掛農具今年
喜有秋不為租稅懼牀頭釀茅柴取醉羅粟芋相看桑
麻長焉識簪組誤縣門久未行且樂成嫁娶

其二

湖山護人家烟火隔籬落愛此湖田肥生產願自託兒

孫日長成努力趁春作驅牛耕遠郊牽犢鋤近郭農事
喜及時秋收聊可度積穰登倉箱餘粒飽烏雀村笥有
濁醪莫負隣翁約笑爾東西人誰識田家樂

陳坤奇耕讀軒

湯湯北溪流渺渺綠洲遠烟火隔疎籬牛羊牧長坂我
屋日綢繆我土日耕墾耒耜有時閒簡編可舒卷清晨
望東臯回首西山晚甫田帶經鋤細雨倚書飯聊思教
子孫末俗笑余蹇簪組非所榮古道在務本

題新安汪子容壽藏卷

人生草上露回首日已晞顧非金石姿焉用千載期昨夜高堂歡薄暮南山陞絃歌聲未歇涕淚沾裳衣達人貴知命常用此道推樂丘事已卜哀挽情亦悲我生諒如寄九原行當歸開尊面息所不醉復何為

題南康翁教授匡山讀書處

海國橫秀氣茲山鬱差我羣峯青天牛倒影凌滄波匡裕古哲士結廬層巒阿遺構委蔓草巖扉長蓬科我來

屬杪秋攀躋興尤多樓觀出林表石磴穿松蘿琴尊落
葉下衣袂浮雲過羣籟起天末長風振寒柯手詔謫仙
人宴坐朱顏酡細讀紫陽碑莓苔共摩挲懷古訪陳迹
賢達知幾何愧我山野癖歲月徒蹉跎夫子金閨彥侯
庠賦菁莪散襟發逸思杖策仍長歌夔龍鳳池上珊珊
振環珂終當拂衣去接武金鑿坡

題邊汝賢素庵

天地一逆旅我身兀如寄夙華華艷姿獨抱沖漠志茅

海內四子卷二十七
卷二十七
守對詩書衡門絕車騎養素無外營林泉引深契青黃
木之災錦繡犧牛累人生安賤貧所樂在適意

題秋林泉石圖

高林頗深邃遠洲亦縈紆風景一何異中有賢者盧陽
崖落日明陰澗浮雲虛耕塹見秋火扣舷聞夜漁竭來
塵網中機務日相拘念茲膏肓疾愧彼泉石圖抱拙謝
簪紱養素宜琴書俯仰天宇寬所樂恒有餘

題壁水瞻雲

征鴻度南浦慈烏號北林白雲仍在目惻惻思難任雲
飛滄江上日夕歸故岑高堂曠千里倚門望彌深孝子
愛寸晷哲人惜分陰百年顧云邈歡樂當在今綵袖時
獨戲板輿日同尋願同白雲飛倏爾諧沖襟瞻雲念白
首捧日秉赤心狄公播英名價重雙南金

送友歸故園

凌晨石渠集步出西上門倏聞同懷友優詔歸故園堤
上金明支裊娜春日暄折之贈行色鄉思隨紛紛夜來

沙陽月照君林下尊攬衣鶴為舞染翰禽能言雖云鄰
局歡當念王程煩早拂季子衣休望西山雲

南昌章叔明溪隱

冥心壓塵鞅遁跡清溪流竹下坐垂釣柳邊繫孤舟野
徑入沙際到門有白鷗夏雨夜來過微茫望滄洲取醉
倒濁醪茅齋日淹留長歌滄浪曲詎為名利謀機杼隔
籬落牛羊下林丘衣食聊自足安命復何求

題陸有孚山水圖

遠山白雲裏近山青天上樓觀何巍我金碧鬱相望石
塘照縈紆平林見空曠謾拂渡橋鞭且憩沿崖杖良時
趣自隨佳境意足暢奈此行促期丹梯當再訪

刑部魯員外富春山讀書處

泊舟富春渚躡屩富春山荒臺見遺構下瞰滄江寒中
有績學子辛苦服儒冠巖扉入松栢猿鳥時往還掃榻
落葉下捲幔浮雲閒橫經對秋月遙音薄林巒豈謂耽
章句斯道常先難竭來十載餘翱翔賢士關持節出烏

府典憲佐秋官南山宿霧姿文采何班班高岡鳴陽侶
九仞雲達翰值此明盛時玉珮聲珊珊矯首讀書處烟
蘿邈躋攀巖陵客星隱清名滿人間出處雖異途我心
求所安

題李將軍麓峯讀書處

爾祖謫仙人讀書香山陰偉哉雲仍孫千載同此心差
我麓峰色下瞰湘江深石逕入烟篠巖扉閉雲岑橫經
羣猿下散帙雙鶴臨掩耳曾生名抱膝梁甫吟松際一

片月照君石上琴七絃引遐思清響生虛林聖代堯舜
治夔龍共招尋干羽觀苗格簫韶放鄭淫分符辭北闕
錫帶垂南金佇看文中賞遲爾瑤華音

題靜閣

渺渺天際雲澹澹川上水物性適自然我心亦如此衆
美但眩目羣喧徒聒耳如何牧羊者多為歧累爾舒情
對簡編兀坐閒巾履俯仰天壤間熙熙有深理端坐結
芝蘭成蹊謝桃李試問適意深虛堂靜中是

題叅議李子華林泉書屋

開軒睇幽邃散帙當清漪愛以君子屋重此林泉姿空
翠散瑤席輕流度華池牙籤挿高閣萬卷光陸離逍遙
絃頌暇魚鳥忻相隨俗慮淡若忘談笑無厭時早逢雍
熙治文雅久見推歛起掌帝制兩藩賴網維濟濟夔龍
侶接武赤玉墀東觀多羣籍西清騁雄詞瑩如玉壺冰
燦若瓊樹枝苔溪增秀色天目含清輝黎庶待拊字丘
園寧睽違寄聲考槃澗白首以為期

攸縣周克已交翠軒

夢逐春陵雲手探濂溪水溪迴氣若合萬頃清無底雲
間無極翁白髮垂兩耳青蓋駕蒼虬顧視啓玉齒黃卷
千萬言大道直如矢循環造化機日月無停晷採華掇
桂英殮腴窺石髓邃谷珮獨聞層崖杖恒倚覺來戶牖
空階除翠交委高樹移繁陰閉花落輕蓋晴光散疎簾
春色浸淨几端坐物意多萋萋望中是

題王振之思親卷

君子有所思所思良獨難高堂在何許九原路漫漫食
祿不待養衣錦誰為歡良宵四五起中情詎能安春至
霜露零秋深風木寒感茲歲華改惻愴頽心肝宦轍天
一涯顧盼形影單努力播芳馨期以垂不刊

送李右文無為判官

涼風滄江上蕭蕭游子袍手持一尊酒長揖別我曹孤
舟艤五兩搖曳秋天高共言庠序秀縈此州縣勞任重
志自遠才優氣應豪佐郡展驥足承家見鳳毛惠愛千

里內頌聲播蓬蒿

挽金處士

柯峯鬱嵯峨巖灘含清漪哲人日云逝失此山林姿寂
寞月旦評淒絕陽秋詞菊徑掩行跡寒香生殘枝憶昔
玉堂游微才忝相知杖履侍先輩儀刑垂後規如何東
南訃白日慘無暉倏如數月別遽作千載期饑鳥下獨
掉涼風吹喪帷荼毒孝子懷惻愴行人悲招魂藉楚些
如哀酌湘離無因寄遠道聊以寫所思

七言古詩

聖孝瑞應詩

扶桑倒影掛靈谷緇衣翩翩下天竺銀潢萬里涵輕春
遙見真人調玉燭法王樓閣中天開寶幢斜倚瓊瑤臺
回頭笑指祇園樹昨日恒河沙上來九重垂拱羨牆面
卷却龍章向深殿鼎湖烟雨泣烏弓漢宮蘭膏掩妝扇
璧月玲瓏雕玉簾佛筵掛影夜纖纖祥光萬丈照貝葉
天花五采垂層簷梵音萬口海潮小三十六宮管絃繞

松枝膏露甘可殮履地瑞雲兜率曉大孝曾聞四海歌
慈航西駕滄溟波又聞嵩山萬歲祝龜書馬畫清時多
熙熙化日長如昨十五階堦生復落康衢黃髮笑自如
何事流沙尋極樂

題道士林栖霞碧蘿猿洞

溪上垂蘿幾百丈石洞陰陰闕長日昔人學道居其間
塵世紛紛未嘗識白猿一嘯下青山藥瓢丹竈共往還
巖扉自掩明月上石牀不掃白雲閒伊誰尋真百年後

道機通玄七闕秀寶笈仙書入夜觀鐔津霞氣凌晨漱
秋風嫋嫋吹綠蘿猿聲時和步虛歌明年買棹七峰雨
洞中雞犬知相遇

古洞閒雲歌為莆田笑庭訢上人賦

古洞深幾許閒雲日來往惟應空門居相知愜幽賞笑
庭上人不出山身比浮雲閒更閒松間石榻日應掃花
底巖扉時自關紛紛郁郁古洞口白衣倏忽成蒼狗細
觀色相了無蹤真空境界那能有雲來碧峰夕雲去滄

江陰上人笑傲自無心知向白雲深處尋

洪武乙亥十二月余教長沙時有武昌之行風
雨雞鳴擁衾不寐藹鄉間之思遂因故人高
漫士所寄山水小畫書以寄念云

我家別墅三山陽浮亭小閣連草堂
騷翁墨客共來往
角巾野服同徜徉桃李依稀間可數
槐柳次第森成行
載酒或尋曲水酌興來年少多踈狂
荔林荷沼望遠近
盛夏六月生微涼政當羣策戴堯舜
且復一枕游羲皇

有時散步芳村下書聲燈影迷昏黃南畝秋成場圃具
東鄰夜作機杼忙田家歲事喜僅足邀迎日日傾壺觴
蹉跎歲月不知至頽令身世俱相忘竭來一官滯江海
倏忽五載更星霜林逋飛夢孤山道陶潛馳心五柳莊
早逢聖代無遺物徒費廩祿談辭章自慚微材駕駘並
敢與騏驥爭翱翔公門簿書動有法下土挫折殊未遑
鶯花夙云錦城樂人生何如歸故鄉

閩中十子詩卷二十七

欽定四庫全書

閩中十子詩卷二十八

明 袁表

馬熒 編

王翰林集下

五言律詩

送陳校官之溧陽

春歸殘臘裏行色在孤舟
山訝毘陵翠河經溧水流
青
邈寒榻共絳帳夜燈留
時雨諸生望休過太白樓

送無為知州鄒以信

一麾新出守五馬獨專城
啼鳥留吟珮垂楊引別旌
青山雲外見綠野雨中耕
千里皇畿內行人播政聲

送王志仁歸餘杭

誰知逢掖貴東觀校書時
待漏趨青瑣題詩立赤墀
自憐心似石莫嘆鬢成絲
後夜玉堂月勞君千里思

送陳德剛歸莆

近得鍾王法才華世共稱
劍鋒看舞女筆陣笑狂僧
散

帙花前席鳴琴竹裏燈石渠成遠別白下酒如澠

送湘鄉令王子材

玉堂寒月白吟思在長沙作令時爭譽新詩衆共誇漁
家連島嶼川路入桑麻煩寄江南信疎梅已著花

寄顧謹中

滕閣結壯游文閣接高會笑語一尊同分攜十年外山
光對揮毫峽影引聯佩河間賢士多著述推先輩

送僧還蒲田

都門相送處無奈柳條長
引天花落經翻貝葉香
浮杯吳水綠飛錫海天蒼
後夜涵江月應期到上方

送林德入成均

羨君年最少夙有子雲才
駐馬看吳苑聽鶯憶粵臺
寒聲林外落暝色鴈邊來
惆悵離亭思惟多白玉杯

送王界善首坐還蒲

遠公京國久飛錫日邊還
雙樹行時見三花坐處攀
木杯滄海渡定室白雲關
何日辭軒冕來尋物外閒

養蔬四首

漢府教授王先生圃以養蔬自號先生非學圃者也蓋因名寓意亦將究其本歟作四詩以貽之

微雨朝來過園蔬取次看
韭芽忻土暖芥莢怯霜寒
畦理高低種厨供旦夕殮
莫嫌藜藿舍金玉試春盤

其二

睡起應行藥羣畦喜有成
銀茄星錯落金薤筆縱橫
薑

掌香生饌蔥芽寸入羹南窗時一飽未數五侯鯖

其三

雲生花裏暎雨泛竹邊渠積水收菰米編籬護土酥堪
嗟漆園馬誰憶李鷹鱸王業幽風舊慙慙叙斷壺

其四

御冬當旨蓄應得治芳園掛壁藏新種培泥擁宿根萍
虀憐鳳炙玉糝詫熊蹯擬作冰壺傳雄才獨討論

寄唐進士震

我憶京華侶經年意若何別深鄉思減客久宦情多淡
月回銀燭踈鐘帶玉珂青雲如可及傾蓋一相過

送友人之京

銀缸盛美酒江上送君行共惜孤舟別那知幾日程闕
寒逢斷鴈宮曙聽新鶯早獻金門策休論漢賈生

題雪景圖

高閣凝雲閉虛窻帶雪開鳥寒多辨鷺樹暝總疑梅遣
興惟詩句銜情祇酒杯遙知函丈下已遣二生回

題綠柳紫燕圖

綠柳夏依依，差池玄鳥飛。
蹴花隨別騎，銜絮點征衣。
階渚晴烟暝，章臺夕照微。
衡門相托久，應傍主人歸。

挽徐母施氏二首

綠鬢克家子，青襟上國賓。
政榮三釜養，誰念半生貧。
華館魚供母，空山鶴弔人。
至今徐孺宅，猶是孟家隣。

其二

極目烏程路，高堂旅櫬歸。
音容芳樹遠，心緒片雲飛。
別

淚茅生饌荒塵萊子衣青山佳兆在寂寞掩春暉

七言律詩

元夕觀燈應制

魚鑰春開虎豹關五雲星斗近天顏絳河月濕金盤露
火樹香分玉筍班鵲漏傳花外觀蓬萊仗列海中山
萬方樂事同元夕恩賜千官十日閒

送裴孝感歸省

都門霜落鴈南飛官舍蕭條獨憶歸澹月疎星辭帝闕

亂雲高樹近親闌
淵明對酒心猶好
斯立能詩趣不違
聞說邑人相候久
高堂莫戀老萊衣

送別

北堂幾許問歸音
暫向都門寄越吟
耽酒自能成野癖
逢人不用說朝簪
日邊歸旆飛鴻遠
天際孤舟落木深
莫訝年來鄉思遠
也知寸草惜春心

采石江上元夕簡武昌周博士臨湘李驛宰

朝迴無處不淹留
元夕江頭駐去舟
九奏簫韶天上聽

千家燈火月中游
燃犀壯志空流水
倚馬長才見故邱
佳節謾勞傷往事
百壺共醉鷓鴣裘

送張指揮

龍虎旌旗度塞河
羽林將帥擁天戈
銀潢淨洗烽烟地
玉疊窮搜狐兔窠
萬里山川傳駐蹕
九重日月共鳴珂
邊庭不用防秋計
沙漠如今總漢歌

送曾太守之官

誰言五馬共翩翩
百丈惟牽上水船
故吏青山開候館

遺民綠野趁春田
頌聲遙播啼猿外
歸夢長隨落鴈邊
聞說潁川曾入相
知君未必讓先賢

次鄭校書左掖聞鶯之作

白頭著作丈人行
左掖聞鶯有短章
委佩乍分花外仗
停驂歸滯柳邊牆
謫仙老去鄉心切
賈至才高野趣長
自笑雲泥蹤跡異
無因傾耳接飛觴

送匡行人顯回京師二首

儒冠歲月易蹉跎
孤館相看奈別何
匡裕棲遲名獨盛

王猷落魄興偏多
流鶯高樹雙壺送
積雨長江一棹過
自笑烟波為客久
陽關休向醉中歌

其二

少年多是嘆睽離
歧路相逢況後時
倚棹每違求友興
說詩應喜解人頤
閒花澤國春如在
驟雨江城暑不知
此去雲霄猶咫尺
長沙回首是天涯

送教諭陳廷傑歸湖口

臘月江頭送季方
北山飛雪撲離觴
匡廬樹影吟邊近

彭蠡江聲夢裏長
晚歲重瞻堯日月
清時獨擅漢文章
春來多少南歸翼
母惜題絨寄玉堂

陳主簿稔過宿賦答

君門已許解朝衣
此後相期過竹扉
池上青山留客醉
郢中白雪和人稀
雨晴閒館花空落
月上層城鳥倦飛
明日獨懷乘興地
不堪愁思更依依

送陳生溫陵省親

問君何處拜庭闈
海國蒼茫去路微
洛社舊遊同北望

溫陵積夢獨南歸
春行樹外空聞鳥
夜坐花邊靜掩扉
轉向高堂思綵服
雲山惆悵與心違

贈道士陳清隱

琳宮遁跡學無為
姓字休勞世上知
廬阜遠公蓮社別
鑑湖賀老酒船期
石牀花落因風掃
丹竈雲深近水移
幾度釣天聞九奏
餘音半入步虛詞

送校書陳秀才省親

都門雨雪正霏霏
馬上雙壺送獨歸
闕下馬周留客邸

郡中潘岳訪親闈萬花島嶼春移棹五柳郊原晝掩扉
霄漢朋遊總知己此行莫戀故山薇

送醫士使海上還闕

滄海何年見異人一瓢曾飲上池春諸番左語通三譯
絕域神方重百珍鳳閣曉班沾雨露鯨波夜夢接星辰
沈疴願施千金劑知爾無嫌北郭貧

題劉儀部山水圖二首

闕

宰輔唐室得賢良
鼻祖風雲會仍孫
德澤光杏林喬木

芳秦藩留

古橋井細泉香活世名重播傳家業愈昌雀闌趨石奮
鳩杖侍王祥玳瑁開新席蒲萄進舊漿移忠同後覺養
志獨先嘗五季英髦域羣編禮樂場詞源韓愈並策對
馬周強易水勞詢訪燕臺肅紀綱郊原車送雨廊廟筆
飛霜致遠須騏驥爭先覩鳳凰江遲京口棹城駐石頭
裝逸氣吐彭蠡高懷倒豫章已知金作帶猶憶綵為裳
捧日丹心壯看雲白髮長河流汝水碧樹影朗山黃佇
見推恩詔應歸介壽觴

送王僉憲

車書逢泰運庠序毓賢良粲若三秋月威如六月霜
文章槐寺重法律栢臺強奏對元推馬平反獨數張同心
依夏省優秩入春坊喬木鶯遷谷朝陽鳳在岡兔毫應
戴筆雞舌半銜香詔賜東寮服恩分北座觴侍臣崇簡
拔憲府出翱翔旆拂匡廬秀帆移蠡渚長新吟憐二謝
傑作繼三王攬轡澄清志埋輪論議昌百司還惠政列
郡仰宏綱近說西江上春風幾樹棠

七言排律

題御史鄭文志望雲圖

江城回首思紛紛祇是孤飛一片雲
紅葉擁村隨縹緲青山隔岸半緇緼
使旌搖動疑驄馬綵袖光迴辨繡紋
捧日獨知酬壯志為霖共仰策奇勳
相如獻賦心猶在潘岳閒居樂不羣
晴帶孤鴻花外見陰迷啼鳥樹間聞
朝飛滕閣庭闈近暮宿匡廬水國分
出岫謾同陶處士橫空好擬鮑參軍
異鄉作客應如我故苑懷親每念君

蘇氏口占八首
卷二十八
努力從龍天上去河陽顧望莫徒云

七言絕句

題墨梅贈蘇上舍

翠屏山下水雲香別墅歸來月在牀今日看圖詩興動
渾如東閣送何郎

夢作

楚山飛雨濕行旌猶記臨歧唱渭城橫笛江頭聞折柳
斷腸又是別離情

過九江二絕似同舟諸游好

孤舟幾日別京華
望盡南天不見家
客裏相看須盡醉
江心何用泣琵琶

其二

屠峰斷岬見涵城
風景依稀灞上營
最恨春來長是客
新鶯細柳不勝情

雨中齋居寄倪炯

空齋疎雨又黃昏
那復孤燈坐掩門
縱道異鄉常不雨

舉頭見月也消魂

夏日卧病寄同舍二三知己

獨憐卧病送殘春說著春光惱殺人把酒看花等閒事
布衣空惹陌頭塵

題高安朱少尹莆山書舍

林下橫門隔斷橋溪邊草徑入雲遙青山綠樹知多少
誰道書聲到市朝

題俞紫芝臨懷素千字文

昔年艤棹桐江道草聖相傳紫芝老長風千里吹夏雲
落日空山跡如掃

題木梅贈平度李太守

平度守長沙李務本氏濱行余以前御史沈
士庶所作梅井題一絕贈之蓋最其循良之
政以慰齊民之望梅云乎哉

北闕初乘五馬迴故園風景引離杯應知露冕行春處
祇見棠梨不見梅

題唐馬圖

錦韜金鐸舞傾杯
驛路相傳換馬臺
零落黃塵鞞鼓歇
祇從圖畫識龍媒

閩中十子詩卷二十八

欽定四庫全書

閩中十子詩卷二十九

明 袁表

馬熒 編

周祠部集

塞下曲 六首

天子垂衣日將軍擁節行
百金驕漢騎千穀弱羌兵
曉戰霜填角宵眠雪照營
不經黃磧道誰悉玉關情

其二

草檄馳高關分符出未央雕弓秋玉鏤寶劍夜金裝馬
飲長河白兵交落日黃軍中諸校喜生得左賢王

其三

功成屬飛將萬里解重圍病奪蕃兒馬親分漢主衣狼
山吹獵火虎帳合兵機直斬樓蘭首軍中立號歸

其四

羽箭拂雕弓金鞍駕玉驄凌秋千騎動直夜萬夫雄磧
暗邊塵起鞭長漢月通祇今麟閣上誰數貳師功

其五

辛苦代門邊寧輸衛霍先
彎弓辭夜月走馬入遙天
力戰身堪報承恩命若懸
烟塵猶未沒天子在甘泉

其六

防身三尺劍計日斬樓蘭
漢寵今方盛邊勛古獨難
沙塵方外暗楊柳笛中寒
絕塞無春色蕭條不忍看

孟春同郡學諸公遊烏石蘭若仙臺

松門媚烟景探玩輟輕策
林谷諧宿懽川雲返初迹
鳴

蘇東坡詩集卷二十九
弦希叔夜躡屐企安石妙賞心寓玄芳遊髮驚白詎耽
緇錫流幸接鄒魯籍俯仰百年身能為幾時客晨風應
序至好鳥欣春及物候俱有情人生豈無適餘花映尊
俎落日散巾烏笑語淡忘歸重期諒超隔

題山水畫寄筠州王校文

六奇秀南州五老萃西路風壤雖異區英靈總佳譽千
迴邊海日百丈際江樹蒼翠春到時空濛鳥飛處沾衣
蘿磴雨宿樾花崖霧適楚偶日新瞻闕屢懷故雅耽浩

然想解道玄暉句慰爾遠睽離因之裂紈素

寄陳八參軍兼似余二書記

嘗慕天下士許君如古人如何無良媒十載家仍貧落
拓禮節踈屢為時輩嗔宇宙不可測江淮徒問津賈傅
傷鵬鳥仲尼泣麒麟聖賢尚如此我輩奚悲辛伊昔負
高誼橫行值風塵倚劍走蛟龍談經驚鬼神戀國不戀
土顧思寧顧身邊庭淨殺氣漢月迴陽春豈期時事改
再觀天地新拂衣乃歸來衡茅仍荆榛我生竟蹉跎悠

卷二十九
悠志難伸北望君門開欲進路無因詩書未得用歧路
誰相親白社憶陶趣青山思杜隣偶茲南宮眺而臨滄
海瀆探玄坐竹晚縱酒看花晨萬里發長嘯白雲濕衣
巾封緘寄知己庶以攄中懃

揭天謠

巨靈吹空南斗死鬼哭如雲學流水桂闌天影白鶴秋
兔光斜墜三泉裏泉宮暗蟲寒草根土燈燃露蛙黃昏
鐵心九回滴秋血三十六帝聞俱吞帝遣雙童去不返

楸梧參差牧馬苑青烟一點吹六龍芙蓉吐光海波淺
其二

西池鵲寒墜靈羽冰澌粼粼凍王母青娥過雲紛玉琚
水簾桃花逗香乳紫元雙眉牽黛光頰高折玉壽齊長
風臺神人鐵作背哭聲酸骨啼秋裳綵絲繩結絳秋影
身騎白龍勸天醒暗魂斜背南山飛獨立香蟲泣空冷
其三

魚鱗居次龍堂高琉璃砌空銀爛濤波靈泣訴海若浪

腥風卷畫雲漕漕珠潭沈光瘞神姬瘦蛟啾啾走沙雨
仙郎秋袂斑斑啼淚花凝碧扶桑樹

其四

湘人敲鼓迎二真娃郎苔縮參差塵東風翦雪綃綠水
半天斜露葡萄春竹根沿花鑄明月野墳死草泉幽咽
銅龍玉狗閤重重東方不高眼穿血

其五

呼天走馬指千里刺龍血濺秋杯水直欲三澆壯士衣

莫教空瘞苔花紫白烟
戛城滴鉛粉鬼燈翳牆星隱隱
斜飛敗草濕露光玉門一滴牽秋腸
商靈參差拾枯骨
晚歲沙頭墜明月妖姬爛醉黃金錢
簌簌青霜翦歸髮

其六

玉鱗瑣瑣秦家土鳳凰
去天竄寒鼠載得仙橋度玉關
誰管秋烟星栩栩粉牕綺簾十二家
井龍咽火紛棲鴉
宮姝禿袖學秋舞背容紉珠河影斜
舊紗銀燈翳椒壁
銅輦秋雲夢中泣石氏珊瑚勸作杯
直捲黃河三千尺

其七

菱蒲泣露鴛鴦渚香墳綺羅作塵土碧玉斜明五五橋
藕絲流雲逆行雨墮鴉春綠不勝梳掠亂芳風浩無主
殺青欲竟吟鬼妬蘇堤已遠波聲苦

其八

白天長雲漏龍歇九道愁泉土花咽衰蛩粉壁牽暗光
殘霞墮溪藤葛涼苦烟恨骨埋蒿里哭聲水寒凝不起
青屏玉女斷香魂露黛如啼怨秋鬼

其九

魂青青魄濯濯鳥不號魚不躍紛水神激山樂天亦槌
殘地亦摧却提攜踏青霞九回弔孤月秋臺鄉樹結桐
花千年恨血點泉沙鬼燈送客三山下黃塵清水扶桑
斜

賦得河橋草色送高大歸龍門

江頭微暄冰始開河橋一夜春風來傷心宛似叢臺下
青青草色青如苔二月三月青門道積素浮光不堪掃

酒幔烟中望却無
釣磯水畔看還好
橋上蕭條人幾家
芳洲漠漠楚天涯
暝隨蘄梗飄寒雨
晴逐遊絲映落花
龍門還家孟諸野
清尊惆悵河橋下
臨歧盡醉歌送君
草上片時駐君馬

答林子山見寄山中

百年心事共悲歡
浮世風波夢裏看
洛下青山相憶久
郢中白雪獨酬難
將春野路孤鶯早
乍雨江城半夜寒
自愧五陵空學劍
侯門誰復識馮驩

寄齋中諸公

滿院飛花積雨晴
春深卧病更傷情
舊遊白社思陶令
歸夢青山憶馬卿
水國烟光孤鳥沒
官城槐葉一蟬鳴
南州勝事多乘興
羸馬吟鞭倦獨行

謝明府宅觀妓

舞換綠羅衣
歌傾白玉卮
自矜謝公宅
勝似梁王池
雲月絃中醉
天河曲外移
風流在茲夕
誰不道相宜

望浮漚亭子

揚雄遺舊宅寂寞竟誰過
野鳥能歌舞山花作綺羅
池空秋草沒樹雜暝烟多
縱有琴臺月清光奈爾何

留別玉融林八先輩

八月蘆葦鳴海風氣微寒
離心若浮雲薄暮空漫漫
夜湖夢蛟龍十日阻風瀾
燕鴻自飄颻知時各飛還
如何淹病客別苦不成歡
耿耿尊前酒離離無醉顏
微絃亘商意起向中宵彈
井水金轆轤陰窻碧琅玕
其將空中月度以天涯
山行行玉融興一顧恒三嘆

遊鼓山西畬

穹形抱虬木壁色限蒼鐵漱漱身屢傾量轍崖頻折披
羅至雲杪恍眎崑崙竭初景動扶桑電旌或明滅高秋
軼纖翳千里亘寥廓野曠衆慮恬天清百愁絕青陽與
赤谷詎可辨優劣設險造化功蟠幽鬼神穴國師峰萬
丈鍾靈氣參錯雙鳳何年來徒聞此棲躍晤遊非所私
況賴古賢哲崔嵬秦華巔作書家人訣

龍津夜月

鯨波激清淺，虬木鬱凌亂。一片涵虛空，千尋曠崖岸。金
流白沙杪，壁碎青霄半。桂幕張邃淵，雲旗靜高漠。紛羅
廣寒府，洞闢馮夷觀。隱目石磴磴，澄襟沙漫漫。明璫弄
參差，神女遊渙汗。設險雖地形，湊奇實天判。不令敷景
光，徒以積幽暗。擊汰頻負秋，拏舟詎淪晏。漂零時頗殊，
俯仰跡俱換。靈物諒護持，良期恣探翫。

錢舜舉金碧山水圖

風土隣巴國，山河枕蜀城。層流九折轉，積石七盤橫。樹

影分螢檻崖光護鳥楹絳雲全抹曙紫磴半牽晴
硯鹿緣苔卧山猿抱葉行鏡標巖岫合衣拂薜蘿輕
旅望迷鷺渚仙遊憶鶴京斷金秦谷恨殘粉漢宮情
瀟洒浮埃軼參差倒景清嶺烟三島暝潭雨百花明
桃水真難寫蓬萊獨異名何能諧雅興端化沐餘生

小李將軍金碧山水圖

池島疑秦屬雲山似洛疆四圍青嶂合一望綠川長
野浦全春樹人家半夕陽峯巒看似繡草木訝聞香
凍竹

浙銀雪寒風落錦霜樓思王祭倚谷憶鄭生藏石髮和
烟潤林衣浥露光日華初布暖風信未經涼水泛蛟龍
迫巖居豺虎防魚情空渺漠鴈思更微茫獨浩巢松興
多懷辟穀方天台與蓬島對此永相忘

送曾譯史歸山中

凌霄臺下罷登臨一曲離歌淚滿襟芳草懷人頻積夢
流年遠別又驚心春城鴈去餘寒盡野戍花飛暮雨深
今日遠尋陶令尹青山卧病謝朝簪

騾騎席上餞別典監鮑公歸長沙

高館涼風送別過膏車秣馬謾蹉跎玉壺暫醉將軍酒
寶劍新彈俠客歌楚水夕陽行處遠官橋春樹夢中多
王門到日能相憶千里愁心竟若何

溫泉宮行送夾谷琦之涼州

君不見溫泉宮朧朧綠樹不可數粉牕綺樓九天上日
麗鉛華夜歌舞憶昔長安全盛時溫泉宮中誰敢窺鶯
聲慣識霓裳調風光偏醉金明枝驪山一日烟塵起却

嘆溫泉乃如此翻為戰士牧馬池不及耕人飲牛水此
去涼州鴻鴈回音書別後醉難裁經過何處問陳迹惟
見黃河天際來

寄浙中魏元夫先輩

感激布衣士茲隨麋鹿羣長安道上如雲客問爾姓名
皆不聞鄴中風物蹉跎久年少辭家今白首自判功勳
衛霍先肯輸詞賦班揚後舊業蕭條江海濱天涯極目
隔風塵綺羅春去空啼鳥桃李花開不見人往來書劍

為倚侶縱酒悲歌淚如雨楚水懷恩志未酬吳門寄食
心常苦男兒得志須有時生平窮達復奚疑請看世上
悠悠者誰識當時游俠兒

賦得宿猿洞送友人之湘中

怪石如雲起天上枯藤盤根垂百丈蘿深苔滑鳥不栖
索漠寒猿卧相向兩兩三三往復迴銜花映水皆奇狀
清秋倒樹風礪號初日排雲雪崖壯醉客應為巫峽吟
行人厭作巴山望洞裏愁聲誰忍聞別時對此堪惆悵

甲子歲孟夏中四日陪林膳部登鼓山

五季開皇運三峯遠佛筵雲霞通寶地日月麗金天石
罇泉源出山迴漲海連麥風銷碧氣海雨布蒼烟夏屆
裁衣後宵分卷幔前攀崖如過鳥入洞訝迎仙道喜傳
燈久名推射箭賢談空超物累習定演經禪大化應知
寂微生欲棄捐軒車待明發回首更茫然

賦得函谷關送賈一

西望長安愴別顏荒城迢遞白雲間行人惡聽河聲險

舊路長連草色閒
樹裏月來通漢苑
天邊雲霽傍秦山
憑君如見關門尹
為問青牛幾日還

晚眺懷陳大

少年離別惜蹉跎
南國登臨感慨多
薛老嶺頭雲欲盡
越王臺上雨初過
戍樓夕照啼山鳥
林谷春香送女蘿
遙憶故人霄漢上
荊州詞賦復如何

得浮丘書

客裏書回慰所思
開緘忽感別離時
殘春滄海攀楊柳

明月瑤琴怨竹枝故里風烟三徑掩舊遊心事幾人知
江州司馬歸何處遙憶青衫淚欲垂

齋居呈陳二高三兼似故人黃玄林敏及從弟
槐葉陰陰楊柳垂高齋獨生日斜時地經積雨多秋竹
鳥惜殘花戀故枝卧病山城非中酒舊遊洛社總能詩
相從每過揚雄宅一曲陽春慰所思

行經華陰

西遊莫嘆勞行役風物繁華記往年千里關城臨渭水

萬家烟樹入秦川
露盤臺迥金為掌
秦華峰高石作蓮
聞道盛時多宴樂
更傳車馬幸溫泉

陳大宅挾彈圖

鳴弓日晚騁霜蹄
灞上飛花踏作泥
辛苦塞垣多少恨
五陵春色醉中迷

春夜宿魯大別墅懷故人泉

春夜沈沈思萬重
朝雲暮雨去無蹤
天河坐見三星沒
知在巫山若箇峰

季冬林志道歸山中

日暮河水廣北風屬嚴涼
豈惟歲華晚顧此道路長
河水尚可涉子行不能將
賴有琴與瑟改絃為君張
請聽遊子吟泠泠悲慨慷
諒無晨風翼千里共翱翔
去去保令德別離以為常

歲晏紀懷書寄武林魏原夫

日晚鴈聲急霜空洲上田
農家事機杼織作涼風前
顧茲惻遠別悠悠阻山川
百川竟到海豈道無歸年
但恐

綠髮變將隨時事遷長歌市上醉酒盡心如懸達夜風
雪至蒼茫楚江邊自非剡中客欲泛山陰船野色動遠
雞天明路迴沿相期有飛夢千里長周旋

秋詠

南山閉戶絕風塵舊業依依少四隣秋草望中曾獨往
野鷗閒裏最相親荆門西望迷歸客湘水東流怨逐臣
榮辱升沈只如此更將心事問何人

送彭生歸溫陵

卷二十九
春天送客粵王城南陌萋萋草自生遠路花枝拚醉別
舊遊滄海寄歸情路尋金粟孤雲入山到壺公片月明
兩地經過多勝槩看君高興一題名

登望湖亭寄王孟揚

朝來一上望湖亭湖草茫茫入望青空判鄉書憑朔鴈
頻忘旅食換春星洛陽久病憑誰賦湘水長歌忌獨醒
暫拾芳菲歸潦倒酒杯相對慰飄零

寄王校文

壯遊江海總離居，豈料同君歲月疎。
湘水每勞懷舊夢，筠陽曾枉薦賢書。
霜空落葉清砧候，天入平蕪白鴈初。
自古長沙文化地，聖朝逢掖近何如。

寄居異上人

上人家何處，百丈山中住。
林下曝衣紅，槿根潭邊跬。
錫青松樹口，誦楞伽日幾回。
柴門不閉亦不開，自言此身無住著。
昨日恒河沙上來，有時面壁坐不起。
却忘乞食春城裏，桂花松子不逢人。
趺跏惟對雙童子，杳靄鐘聲

薄暮聞登臨幾日思紛紛世人欲見何由得長望中峰
禮白雲

平遠臺宴集

高樓翠微裏振袂凌蕭散坐觀滄海流仰視白日短飄
颻居化城羈離賦文館偶茲耽琴尊詎非避書簡境絕
萬塵滅趣愜衆妙管川上風雨來蒼然望中滿烟鐘度
山暝野燒穿林晚東城領車騎相邀下崇坂

溫陵旅次懷馮伏林謹二上舍兼簡王褒秀才

行邁日苦短奄忽歲云徂
惓惓東山下氣結何由舒
人命若朝露百年立斯須
鄙夫徇形役君子抱沖虛
結駟遊燕趙奮志執金吾
榮耀非故物富交貧恐踈
飄飄羨門輩高舉凌雲衢
胡為困泥滓嘆息希良圖

蘆鴈詞

田食不厭肥沙宿不厭廣
天長洲渚靜露下蒹葭響
關河屢超忽寒暑互來往
南翔先雪過北翼迎春返
預愁遠道苦豈暇高丘想
同類聊自持分飛恐矰網

行路難

長安行路難上闕隘秦關萬里貂裘敝三邊寶劍閒近
聞絳灌在翻謫賈生還歸去狂歌客蕭條草莽間

溫陵中秋陳大宅後亭觀月

紫英亭前露欲香習家池上夜偏長醉來見月知何處
還道清光是故鄉

十六日湖塘上觀月

玉露寒侵鵝鵲樓桂花池館恨悠悠不妨歌舞留人醉

一夜清光減却秋

題陳大宅方壺子層層雲樹圖

昔年曾記秦川客
雲樹參差去欲迷
日暮孤舟行不盡
鷓鴣啼過渭城西

贈夾谷琦之溫陵

粵河臘盡雪漸流
千里離心醉未休
半夜山城聞笛恨
斷腸那似古梁州

秦家小慧

小小持金鏡隨妝日幾迴春光能自媚飛燕莫相猜香
逕緣花掃寒窻候月開長陪雲雨態學夢楚陽臺

題陳生魁畫圖別意

我昔朝玉京而多登覽情東關倦前迹却泛西江行西
江十日窮烟水落景揚瀾走千里蒼然秀色吹角巾望
湖亭下涼颺起咫尺匡廬何壯哉五峰綺繡相縈迴長
空飛瀑如濤瀉淙淙噴壑鳴風雷雙騎白鹿古仙子雲
間笑引青霞杯遠欲從之不可得顧余揮手長千陌金

作鍾山掌上開濛濛萬古清無極黃鶴西辭璫樹枝別
來夢寐惜光輝請移粉墨滄洲趣遲爾天門慰所思

龍街秋月

天上知何歲人間值此宵龍街初見月兔闕漸移杓倒
影孤輪滿清光四望遙谷昏催罷牧山暝引歸樵遠漢
懸飛鏡中流濯碎瑤穿林疑作瀑湧海訝成潮東出光
臨夜西沈影迫朝蚌中澄碧氣鵬際入金飈幾見陰晴
處偏令物候凋冬迎將薄冷夏送軼餘歎濕翠桐枝落

空香桂子飄人家舉酒問僧舍捲簾邀赤壁思聯玉秦
臺憶秦韶廣寒何處是仙步思飄飄

漢上聞邊人吹笛

不識邊城路方從邃裏聞千聲悲漢月萬里遶秦雲
聳入天山動寒兼隴水分梅花今夜落江上正紛紛

竹枝詞

湖上鴛鴦飛一雙人生最苦住他鄉郎舟蕩入荷花水
引蔓牽絲恨更長

寄涵江陳韞玉

南望涵江無盡期
蕭條還解憶荆扉
相思豈道音書少
祇為春來鴈北飛

關中十子詩卷二十九

欽定四庫全書

閩中十子詩卷三十

明 袁表

馬熒 編

黃博士集

送方大歸莆

魯酒醉行客越弦激商聲中懷百憂集兼此離別情陽
月過吳楚驅車下關城北風捲微雪擁袂還宵征誰謂
此枯槁翻然逢鮑生平居異鄉國失路如弟兄雲月寄

遐想心與澄溪明何因別離水又向東南傾還激清淺
處為君濯長纓後期眇川岳悵望何時平

度梨關先寄冶城諸友

驅馬望鄉國朝行風雨中閩山鬱嵯峨何啻千萬重舉
頭見關吏石壁摩蒼穹人生幾何時來往茲無窮魏闕
豈不戀知音非易逢命途或不臻四海如轉蓬前日發
京師淮天雪濛濛客衣丹陽樹旅食吳門鐘心憂路彌
遠醉極歌且雄匪遇賢達士何由豁心胸滄波任垂釣

免苑甘為農身隨瑤埃避興與魚鳥通憑將歸田意為
我報山翁

度陽陞江得口字

暮色入長江江帆疾於鳥蒼山白雲外一望更有颯
沓風雨來蕭條夕陽後張燈照寒爐且復醉杯酒長歌
滄浪曲遠應滄浪叟厓暗古木深沙虛暮潮吼發家春
序深去國別情厚何處有僧廬殘鐘出溪口

覽鏡詞

嬌女自憐色冶容對青鸞如何春華歇覽鏡空長嘆舊
質委秋草芳情變衰蘭終焉用膏沐不及君承歡顧影
誤相托照心徒自寒白頭歌古調五起推心肝

秋夜聽谷大彈陽春白雪遂歌以贈

昔聞歌白雪未知絃上聲看君彈來秋月下十指如度
春風鳴初聞飄飄下天闕亂逐回風氣騷屑凍來深樹
梅不開散入空林竹應折又如紛紛江上來流音中節
渾相催灞陵一日幾人度剡溪半夜孤舟迴清川帶寒

流野鳥絕繁語少女歌殘葉共飛仙郎唱罷花能舞須
臾雪晴風亦遲按絃問君君不知聲殘響絕無所見惟
見桐枝秋露垂

北嶺陪殷大夜飲感別

故國秋風見仲宣悲歡都集夜燈前二毛對酒仍堪醉
萬里還家祇自憐樹拂斷猿疑峽路月臨征鴈夢湘川
謾將草木同衰朽未必陽春雨露偏

丹陽道中

金陵為客久，儒服滿塵埃。
望闕無知己，還鄉愧不才。
山陰殘雨度，河廣斷雲開。
歸去多朋舊，春城共酒杯。

河上立春

故國幾時別，殊鄉今早春。
青陽開霽雪，殘日送歸人。
漸與雲霄隔，空驚歲月新。
不堪零落處，愁淚滿衣巾。

金山寺

江心浮絕島，古寺軼氛埃。
樓迴中天起，窻閒向水開。
空雲龍影度，海雨鴈聲來。
故國登臨後，如今又幾迴。

竹岡晴雪

殘雪春天路高岡竹外晴玉林行處合琪樹望中明瑞
氣埋龍影花紋雜鳳聲刺溪舟欲渡湘水佩俱鳴舞換
青禽歇歌回翠袖輕人家開暹曉僧舍捲簾清鼎鼎欣
時泰朋尊待歲成高吟稱寡和長愧郢中名

題周進士古木清猿圖

昔從錦城來却過愁猿道千崖萬嶂不可聞此中哀怨
令人老況是西江秋水來衝波逆折鳴風雷攀蘿涉水

苦難度騰枝抱子俱縈迴空林陰陰不知處前鷲後呼
若相語正當絕險陵天梯攬轡聽來淚如雨君不見蠶
叢開國通秦關六龍西幸仍躋攀猿聲鳥道有如此一
為長歌行路難

和守歲侍宴應制

皇家共守歲華新此夜紅雲捧紫宸乍對瓊觴同餞臘
喜聞玉管又迎春門前列炬明殘雪天上華筵接近臣
最荷發生蒙聖澤來晨風物更宜人

勅借岐王九成宮避暑

帝宮別賜九成名仙駕遙承五月行
天上樓臺佳氣繞日中霄漢早涼生
醴泉近酒移花味雲籟催歌雜鳥聲
何必仙家瑤海上來晨復得借昆明

過方山舊居處

曾逐孤舟背遠村清溪一去不知源
於今莫辨秦人處野鳥潭花即故園

賦錢塘送谷大之涼州

錢王昔遺業千里開雄都行人訪古大江上古人事業
今何如憶昨旌旗連海東弩迴巨浪舟始通寶衣毬馬
歸何處江聲日暮愁無窮吳姬酒樓向江口雜花垂楊
當戶牖春帆二月誰憶家黃金十萬寧沽酒繁華東流
不可駐古來陳迹惟丘土潮上寒侵蘇小堤漁歸夜唱
嚴陵雨君去涼州此暫過莫令歲月易蹉跎懷親何處
堪腸斷懸知倚棹聞吳歌

同王大過異公房憶孟宣海上

山中初見蜀葵花秋後登臨感物華
過客偶因隨杖履老僧何用具袈裟
空階候葉飛霜早遠郭清砧落日斜
近得浮丘書信否幾時滄海報還家

送金秀才之溫陵

官亭花發酒初香白馬翩翩大道傍
醉客盡隨歌舞散寒川空對別離長
紫雲洞裏逢秋月赤鯉潭邊度早霜
休說故山多少恨軍中吹角斷人腸

齋居懷林逸人

累月不出戶階前空綠苔如何歸鴈後不見故人來野
竹連書幌寒山對酒杯閒居能著述端愧子雲才

送曾綱歸青鋪得樹字

握手城東門駕言首歸路人生浮世間俯仰安得住去
途苦云促交道嘆希遇歡笑顏易紅睽違髮成素清川
悵何極白日忽已暮飄然涼風至振此芳林樹去國惜
共違瞻雲喜先步回首不見君遙遙隔烟霧

丁卯歲菊夕燕集溫陵郡庠得起字

林莽謝舊條崑籬藹初蒞遐登崇坂雲列宴曲池水奕
奕嘉景光濟濟衆君子恥躋金張賓幸接鄒魯士清奏
薄迅商芳筵藉文綺敷情罄二難肩序合四美湛湛零
露交噉噉哀鴻起俯仰百齡內榮名保終已

春日感懷

壯圖今若此隨牒豈辭勞滄海憐孤劍青春感二毛沙
明殘雪在河斷隴雲高未必逢知己愁心正鬱陶

兵曹宴集

雪霽都門晃見寒仙曹斗酒暫成歡朋簪却喜閒中盍
物候偏宜醉裏看雲館曉鶯催曙色鳳池春水動晴瀾
惠連此會堪乘興別後何須悵二難

和括蒼葉叔文遠遊之作

去國踰千里擔簦向九州雲蹤殊放曠霞想獨優游歲
月莊生馬霜烟季子裘南登舒遠眺北轍契冥搜楚館
歌逾夕梁園醉度秋江山凌傑作雲物獻佳謀放逐偏
憐屈栖遑輒慕丘探書頗好道說劍豈專遊良玉還知鑒

青冥未阻修識君宏遠器徒此愧淹留

竹枝詞

螺女磯頭水不波聞郎江上唱離歌
半天落日無人渡
一鏡紅妝奈別何

浮亭聞箏

冠蓋乘秋會林塘候晚開掃雲鋪露簟待月送霞杯
樂應空中響人高物外材商彈鴝鵒醉秦奏鳳凰來
舞影疑飄雪歌聲訝殷雷湘琴那共聽楚笛不同哀
促柱紅

顏笑低絃白髮催將風彫玉樹吹雨落金苔師曠時應
在伶倫世復迴鷺情思度海鶴夢想登臺舊恨驚離索
新遊得重陪懷君金石調何異向蓬萊

題芍藥圖

名花對春風艷色為誰好傷心洛陽道滿目悲芳草五
侯池館樂事多昔時全盛今如何紅香落盡不見賞枝
上空餘野鳥歌

閩中十子詩卷三十